





38<sup>th</sup> Dec<sup>r</sup> Daniel Arman.



*N. 19.*

ULADISLAUS IV.

DEI GRATIA

REX POLONIÆ, MA-  
GNUS DVX LITVANIÆ,  
RVSSIÆ, PRVSSIÆ, SAMOGITIÆ,  
MASOVIÆ, LIVONIÆ,

Sievierien Smolenscen Czernikovien

*Nec non*

SVECORUM, GOTHORUM, VAN-  
DALORUMQ; HÆREDITARIUS

R E X.

*Universis & singulis Regni Nostri, & M. D. Li-  
thuanie & Provinciæ eorum eis adnexarum*

*Incolis ab Ecclesiâ Catholicâ Ro-  
manâ Dissidentibus gra-  
tiam Nostram &c. 12*

*Dar H. Bukowskiiego z Sztokholmu Nr 1676*



Illustration des Gentes in der  
speziellen Ethik von St. Augustin

III. A. DIST. IV.

DE GRATIA

REX POT. OTIE. MA.

GENUS DVX. LITVANIA.

RUSSIE. PRV. SV. MA. NOGITA.

T. EN. SV. MA. SV. MA. NOGITA.

SV. MA. SV. MA. NOGITA.

SV. MA. SV. MA. NOGITA.

SV. MA. SV. MA. NOGITA.

SV. MA. SV. MA. NOGITA.

SV. MA. SV. MA. NOGITA.

SV. MA. SV. MA. NOGITA.

SV. MA. SV. MA. NOGITA.

SV. MA. SV. MA. NOGITA.

SV. MA. SV. MA. NOGITA.

SV. MA. SV. MA. NOGITA.

SV. MA. SV. MA. NOGITA.

SV. MA. SV. MA. NOGITA.

SV. MA. SV. MA. NOGITA.



996771

EX. 1

Universitäts- und Landesbibliothek Bonn

Universitäts- und Landesbibliothek Bonn

Universitäts- und Landesbibliothek Bonn

Universitäts- und Landesbibliothek Bonn

Universitäts- und Landesbibliothek Bonn

Universitäts- und Landesbibliothek Bonn

Universitäts- und Landesbibliothek Bonn

Universitäts- und Landesbibliothek Bonn

Universitäts- und Landesbibliothek Bonn



Illustres, Magnifici, Generosi, Nobiles,  
Spectabiles & Eruditi Viri, Sincerè Fide-  
ter Nobis Dilecti.



Imis vacuum à cura rerum hu-  
manarum & plus quam securum  
sui esse oporteat, qui Magnum  
hunc mundi circum habens sub  
oculis, in quo nationum vires &  
odia funestum à tot lustris certa-  
men agunt, jamque in extremâ pæne arenâ con-  
flictantur, non stupeat, non quærat, quo merito,  
quouè præmio, tantum irarum conceptum, &  
fufum sanguinis, & tantum opum exhaustum  
est? Vacillant revulsi Europæ cardines, & ægrè  
criminum pænarumq; sustinent pondus, colli-  
duntur inter se Regna, & fatales ictus ingemi-  
nant, ardent Provinciæ, fumant campi, prostra-  
ta & exangvia civitatum jacent cadavera, super-  
stesq; & cladis suæ artifex Orbis miratur, aut  
extra se quidquam esse, pro quo depugnet, aut  
intra se, quod nondum tantâ cæde possit confi-  
cere. Magnis certè malis ingentes subesse cau-  
sas necesse est, quarum alta origo, non tantum  
in veritate temporum, sed in judicantium etiam  
manet affectu. Nos autem ita judicamus, jure  
meritò illos pulsari, & bellorum tumultu illos



concluti, laxataq; velut compage turbam calamitatum admittere, qui præsidium & condimentum vitæ, felicitatisq; nutricem, Pacem & Vnitatem neglexerunt, ut non propriam tantum criminum expient labem, sed illorum quoque pœnas luant, in quorum erroris, si non conscientiam, certè hæreditatem successerunt. Quam primùm igitur, fatis per libera utriusque gentis suffragia, ita volentibus, Amplissimi huius Regni Sceptra suscepimus, dignissimam Majestate Nostrâ & spe populorum curam cogitationemque duximus, ut Pacis fructibus, subditorum Nostrorum desideria reficeremus. Eo nimirum fine, arduis periculis caput obiecimus, ornamentisque Patriæ sudorem nostrum impendimus, & postquam, (conatus Nostros Divinâ promovente clementiâ) armorum Nostrorum justitia, latè Septentrionem perdomuit, ab Oriente Thracem repulit, Occidentique Nostris hostile exemit frenum, tandem non vulgariis donis, pacem persuasimus, ut novo ad Nos fædere concederet, leni otio & artibus nos demulceret suis, lustra; pœnè integra Nostris Penatibus daret. Itaque, quod nemini insultantes, sed Divinum in Nos beneficium claris laudibus extollentes, dicimus, Nobis, vobisq; luctuosum agonem gentium, licet adhuc impunè spectare,

&c



& studia dare negareque cętantibus, quasque  
minus de Divina justitia meriti sumus, inter  
procellarum fluctus, & natantia vota vicino-  
rum, Pacis portum occupare. Quare cum istam  
horizontis Poloni malaciam, propitij Numinis  
munere gentis Nostrę serenare fortunam, cętę  
apud nos statueremus, a temporalis Pacis dul-  
cedine, & ad eam, quam Divinus spirat Amor,  
Pacem animorum internam, quę Summi Dei  
gloria, animarum salus, Christianique Nominis  
decus continetur, cogitationem convertimus,  
parum nos ejus quo fruimur beneficij, gratos  
fore arbitrati, nisi quantum Nostrę vires, & pius  
voti candor permittit, cęlo pacem redderemus,  
quod terras Nostras optimis illius fructibus fa-  
cundavit. Malę enim creditur, diuturna vitę  
commoda & tranquillitatem illis inservire, qui  
ista non muniant pręsidio intestinę securitatis,  
& res miraculo proxima est, ijs, qui discordes ad  
cęlum preces porrigunt, concordia fortunę  
oracula respondere. Iam universo notum est,  
& omni clarius arcanum documento, cruenta  
Christianitatis odia, quibus finem tutumve re-  
medium humana prudentia excogitare nequit,  
non ex alio uberius fonte promanare, & incre-  
menta in dies sumere, quam ex Religionis dis-  
sensu, dum quod author Concordię Deus, pro



sanctissimo atque tenerimo vinculo, animis  
mortalium dederat, id Pater discordiæ, Satan, in  
exquisitum, injuriæ, odij, & suspicionis abusum  
convertit. Esi enim multæ olim inter vicinos  
ultrò citroquè bellorum causæ extiterint, illæ  
tamen plerumquè breves, aut post longiorem  
luctam honestis terminatæ conditionibus: ista  
sola ex omnibus causæ est, à quâ nunquā recedit  
timor, cui nunquam succedit fides, cui nullum  
par lucrū, cui nulla digna commutatio, cui sum-  
ma omnia submitunt caput, dum diffidenti  
quisq; metu rem delicatissimam tuetur, cui bel-  
li pericula, quàm Pacis consilia judicat esse tu-  
tiora. Quod fatale infortuniū ut ex animis No-  
strorum Regnicolarum, Provinciarumq; Regno  
huic unitarum, aliquando pellatur, utq; senten-  
tiæ hucusq; discordes, & disparia doctrinarum  
principia, in mutuam fidem & unionem sensus  
suaviter redigantur, Nos, quibus populorum  
Divinâ dispositione nobis creditorum, omni  
sui parte constans integritas in primis cordi esse  
debet; cū in Novembri proximè lapsos, Syno-  
di Provincialis Varsaviæ celebrandæ tempus ap-  
peteret, animorumque non armorum bellum  
sciremus esse componendum, Pacis hoc resu-  
mendæ ministerium Reverendissimis Dominis  
Episcopis, quibus Ecclesiæ gubernandæ munus,  
Spi-



Spiritus Sanctus credidit, eo qui Regem Catho-  
licum & populi sui felicitatem unice amantem  
decer affectu & fide per Legatos Nostros exponi  
fecimus, paratamque in animis eorum, sancti  
desiderij reperimus segetem, utpote quibus in-  
ter pastoralis sollicitudinis capita, istud non oc-  
currit primum, sed recurrit perpetuum, ut &  
quæ à Patribus in depositi fidem acceperunt,  
integra servant, & quæ temporum horum sta-  
tum concernunt, nobis decora & commoda, &  
planiora posteris, cultioraque transmittant. Id  
exoptatur à Nobis, id agitur, ut dissectum disso-  
nis opinionibus mysticum Christi corpus, uni-  
tati pristinae restituatur, sævaque Religionum  
dissidia, quæ vicinum undiquaque comburunt  
orbem, fraternæ charitatis dulci remedio, &  
quæ ad istam animos disponere possunt, me-  
diis, placide sopiantur. Quamvis autem nihil  
propè intentatum hucusque sit, quod non isti  
fini, anxia de filiorum salute, & votorum pœnè  
lassi, Ecclesia adhibuerit, & advocatis infeli-  
cis discordiæ, superflua videri possit, pietas hu-  
jus reconciliationis, indefessus tamen & altioris  
spei potens genius, Polonæ, sed multò magis  
Christianæ charitatis, Nobis istam svasit fidu-  
ciam, ut dubitare Nobis non liceret, quin corri-  
gere possit infinita Dei bonitas, quod aliquan-  
do



do finienda inimici corrumpit iniquitas. Eadem enim Nobis origo seminis est, cujus memoriam hucusque in Christiani nominis Sacramento conservamus, una nos peperit olim Mater Ecclesia, Christi fecunda sanguine, unâ nos legis & instituti mente, tot seculorum rexit authoris, sed diversæ educationis instituto, & ejus, qui à principio fratrum accusator fuit, artibus effectum est, ut in diversa abirent, & nomen Discordiæ darent, quos in Concordiæ subsidium primitivus Amor genuerat. Magnum cœli terræq; detrimentum, Nostro pariter vestroque dolore, & Christi Summi Pastoris Ovium, miseratione dignissimum. Id Nos, quantum in nobis est sarcire, id novâ antiqui fœderis redintegratione reparare cupimus, Divinumquæ imploramus auxilium, quod aurâ spei benignæ vela nostræ cogitationis impellit. Verumenimverò, cum tot eruditissimarum scriptorum, concionum, privatorumquæ alloquiorum, angustum admodum, & imparem labori fructum hætenus experti simus, morbus autem opinionum, in universum corpus longè sparsus sit, & particulari remedio nequeat persanari, tale Nobis, nisi actum vellemus agere, illud quærendum fuit, quod in omnes Regni Nostri Provincias Populosquæ, vim salutis queat diffundere.



Nihil autem insignius natura, ad celebrandum animorum commercium dedit mortalibus, quam sermonis munus, si ora oribus, vocesquè conferant vocibus, & si verba desint, tacita frontis oculorumquè lectione, veritatem affectuum, & sensuum fidem explorent. Cum genus humanum aeternus Filius Patri reconciliaturus esset, Verbum ad Nos in Carne venit: unde nos magna & fausta ducit exempli auctoritas, ut cum inter Nostros & vestros de reconciliatione sententiarum & pace animorum, agendum sit, colloquium inter vos amicum & fraternum institutis. Cui negotio, ut quàm brevissimis spatiis ad expetitum finem decurrat, ex consensu Sacrae Synodi Varfaviensis R. R. D. D. Episcopi, è medio sui R. D. Georgium Tyszkiewicz Episcopum Samogitiæ deputarunt, eumquè congressus istius à parte suâ Directorem constituerunt, delectis insuper duodecim viris doctis, rerum harum peritis, piis & moderatis, laborisquè patientibus, qui ad 10. Octob: Styli Gregoriani anni hujus, Torunium in Prussiam Regalem (quod conventui huic celebrando commodissimum judicavimus) congregati, Sin: & Fid. Vestras, numero, suffragiis & omni pares apparatu opperientur. Adjungemus eisdem, pro consilii Nostri sententiâ, Vi-



ros ex Senatorio Ordine, ritus utriusque, præ-  
cipuæ in Regno Nostro authoritatis, qui actio-  
num testes sint, omni exceptione majores, idque  
agant & observent, ut placidis affectibus, & de-  
centi morum modestiâ, sine aculeis, acrimoniâ,  
& irritamentis ab utrinque agatur. De reliqua-  
rum autem numero personarum, quos labo-  
riosa hæc functio, pro subsidio, aut supplemen-  
to requirit, deque comitatu, salvo conductu,  
de immunitate Provinciarum & Privilegiorum,  
cæterisque modis tuendæ publicæ privatæque  
securitatis, peculiare rescriptum ex Cancellariâ  
Nostrâ, Sin: & Fid: Vestris opportunè promul-  
gari jubebimus. Prodit ergo jam ad vos, Filii,  
Mater Ecclesiâ, multis onusta seculis, atroci-  
bus vexata injuriis, innumeris saucia vulneri-  
bus. Secula superat vivacitas, injurias condo-  
nat charitas, vulnera sanat patientia. Solum  
dolorem ars nulla lenire potest, dum diminu-  
tâ prole, alterius lateris orbitatem mærens  
ostentat. Observat anxia ventos, frequentat  
littus, expectat redeuntes in patriam, à longâ  
peregrinatione filios, passisque obvia mani-  
bus, jam in prospectu cunctantes, ad lumina,  
ad oscula, ad Pacis hæreditatem, toto vobis  
interceptam seculo, vocat. Eadem votorum  
Nostrorum summa est, quæ charitatis ad vos  
oratio



oratio, quam Nos ardentibus & sinceris prove-  
himus ad vos suspiriis, quibus utinam aliquan-  
do pectora vestra incalescant. Iam supra secu-  
lum aliquid CHRISTO debetur. Et ne forte,  
tam illi, quorum maximè interest, quàm Nos,  
à quorum publicæ curæ autoritate nequeunt  
separari, dum seculorum agentur rationes, in  
debiti istius accusationem veniamus, ecce &  
illi, Pastorale fastigium ad libertatis æquili-  
brium, quantum illis licet & Vobis expedit de-  
mittunt, Pandunt vobis sinum in patientiâ  
probatæ Charitatis, portas vobis & parietes re-  
ferant, quos capaces plurium, majores Nostri  
erexerunt, Vos, si patimini nomen, ut filios,  
aut si fratres appellari mavultis, ut fratres, ad  
salutaris & honorificæ reconciliationis consilia  
invitant; & Nos Regiam Nostram dignitatem,  
cùm mansuetudine Paternâ permiscentes, Sin:  
& Fid: Vestris ut Subditis Nostris dilectis, fru-  
ctum & ornamenta publicæ Pacis, & quicquid  
Nos habemus carum, & si quid vos censetis  
speciosum, Regiâ manu offerimus. Denique  
promittimus verbo Regio, & protestamur co-  
ram Deo Nos in proposito operis instituto, nihil  
magis intendere, nil conari, promoverèque,  
quam ut Christus Regum Rex in Pace impe-  
ret, qui nos in exoptatâ Pacis possessione col-  
loca-



locavit; ut profligatâ omni diffensionum materiâ, animisq; novo Amoris incremento fideliter sociatis, una fide colatur, unoque ore laudetur **Deus**, ut Vos in inclyto hoc Nostro Regno, tam numerosis confiti Provinciis, unius Regis imperio, unius legis præscripto, uno Republicæ Corpore, unius fructu libertatis, tam multiplici carissimorum pignorum necessitudine devincti, non amplius piis majorum vestrorum iniqui manibus, vobis autem per omnia pares & æqui, perpetuâ florentes felicitate vigeatis. Interim Sinceritates, & Fidelitates Vestras benè valere cupimus. Datum Vilnæ, 20. Martij Anno Salutis 1644.

**Vladislaus Rex.**









